

**AWSS TA INFORMA DI E
ULTIMO DESAROYONAN
PA CU MANEHO DI
AWA SUSHI**



WWW.SOLODIPUEBLO.COM



SOLODIPUEBLO@GMAIL.COM

GERLIEN A USA VENEZOLANONAN PA HAYA VOTO: EL'A PROLONGA CIERRE DI FRONTERA CU 4 LUNA DEN SILENCIO

Den campaña y tambe dia 13 di maart 2025, Gerlín a bisa cla cu un di su prome decision lo ta pa habri e frontera cu Venezuela. E promesa aki a duna speransa na hopi venezolano cu a vota pa Gerlien.

Pero e realidad ta otro cos. Riba 23 di april, Gerlien a prolonga e cierre di frontera pa 4 luna mas. E mesun persona cu a priminti pa habri, ta cere, sin ningun splicacion, sin comunicado di prensa, sin transparencia. Esaki ta mas cu un promesa kibra — ta un engaño, un

falta di respet pa pueblo cu a confia den dje.

Contrario na e ex-gobernacion di Evelyn, nunca a priminti di habri e frontera i semper a keda cla den su postura, Gerlien a usa e tema pa gana voto i awor ta core pa su palabra. Evelyn no tabata popular pa tur hende, pero su palabra tabata cla i firme. E hecho cu ela mantene frontera cera, ta muestra cu e ta sigui maneho di Evelyn. Habri frontera ta un riesgo. Pero Gerlien a usa e voto Venezolano pa yega na poder cu mentira.



**PARLAMENTARIO
DI AVP, CLIFFORD
HEYLIGER: FAYO
DEN MANEHO
DI DPL NO POR
AFECTA SU
PERSONAL**

**DRIVE BY SHOOTING UN
BIAHA MAS DEN AREA DI
TIO PEPE**



**COPA NOORD 2025 ORGANISA
PA SV ROYAL POWER TAT FAT
Y HEINEKEN LO RANCA SALI
DIABIerna AWOR 16 DI MEI
RIBA VELD DI KUDAWECHA**



AWSS TA INFORMA DI E ULTIMO DESAROYONAN PA CU MANEHO DI AWA SUSHI:

Gerencia di Aruba Wastewater Sustainable Solutions (AWSS) a reuni cu varios stakeholders y interesadonan; KvK, ACF, AHATA, ATSA, Amsterdam Manor y Rotary durante ultimo siman nan pa informa y duna presentacion riba e solucion a corto plazo (short-term) cu a wordo implementa na e planta di Bubali pa procesa awa sushi, pero tambe e solucionnan moderno a largo plaso y proyecto nan den preparacion pa e proximo añanan. Na juli 2024 e operacion y maneho di e planta nan di procesa awa sushi na Bubali, Parkietenbos y Zeewijk, tambe e infraestructura di rioolering a wordo traspasa for di Land Aruba/DOW pa AWSS por medio di e Landsverordening overdracht rioolnetwerk en vuilverbrandingsinstallatie (AB 2024 no. 23). Pa e transicion y proyectonan andando por cana estructura, AWSS y DOW ta trahando hunto den un fase transitorio.

Kico a wordo haci te cu awor?

Desde e traspaso, AWSS a cuminsa di biaha e prome proyecto grandi cual ta e solucion a corto plazo pa e planta di Bubali. E planta na Bubali tawata trata e awa sushi cu ta yega, pero no por a trata esaki suficientemente pa cumpli cu e cualidad desea, mirando cu e planta su capacidad tawata diseña pa trata un volumen di awa sushi mas abou. Cu tempo y hopi desaroyo den e area turistico, Oranjestad y Noord, e volumen di awa sushi cu ta drenta e sistema di riool y ta yega e planta na Bubali a crece y surpasa e capacidad di cargo di e planta. Cu e proyecto a corto plazo, e meta ta pa e planta tin suficiente oxigeno den e aeration tank existente pa por procesa e cantidad di awa cu ta yega planta awe y pa e proximo añanan, asina percura pa trata e awa sushi adecuadamente te ora cu e planta nobo na Bubali ta operacional. Como parti di e proyecto a cuminsa

na 2024 cu e diseño, ingenieria, fabricacion y logistica pa trece varios componente pa Aruba. E proyecto ta encera dos fase; e prome fase ta pa cambia e ekiponan anticua na Bubali cu ekipo nan moderno y cu capacidad mas halto. E di dos fase ta pa digitalisa e operacion completo di e planta nan di procesa awa sushi. Durante e ultimo luna nan a cumpli cu varios tarea di e proyecto y ta drentando e fase di finalisacion. E ekiponan nobo ta instala y ta den funcion, desde fin di april varios test a wordo ehecuta riba e sistema prome cu esaki por a bai den operacion normal. Alabes a instala e sistema pa maneha e planta di forma digital, di cual a haci varios test durante e delaster tres siman.

AWSS ta informa pueblo cu desde medio mei lo por cuminsa experiencia e efecto nan positivo di e cambio nan ehecuta na Bubali su planta, caminda e planta lo ta den un bon condicion pa procesa e awa sushi cu e ta ricibi den un forma adecuadamente. AWSS su meta pa e proximo luna nan ta pa improvisa e cualidad di e awa procesa na e nivel cu ta conforme e norma nan.

Solucion a largo plazo

AWSS ta wordo asisti door di Royal Haskoning pa loke ta e solucion a largo plazo pa e planta na Bubali, cual lo encera construccion di un planta completamente nobo cu lo reemplasa e planta existente na Bubali. E planta nobo ta diseña pa tin e capacidad pa procesa 18.000 m³ di awa sushi pa dia, esaki ta pa e capacidad actual y e capacidad proyecta pa futuro desaroyonan. Pa keda cla cu e planta aki ta informa cu lo dura algun año di trabao continuo, e trayecto di destaho ta den ehecucion y ta sperando di ricibi contesta di participante nan fin di juni 2025.

Planta nan na Parkietenbos y



Zeewijk

Despues di e traspaso, a ricibi e planta na Parkietenbos den un estado no operacional, a ehecuta trabou nan grandi den e luna nan di juli te cu november pa asina por a continua cu operacion na Parkietenbos. Durante e proximo luna nan lo cuminsa cu proyecto di modernisa e planta di Parkietenbos y digitalisa e sistema, similar na Bubali. Tin proyecto grandi planea pa e planta di Zeewijk, caminda lo haci mantencion grandi riba 5 tanki, reemplasa e ekipo nan bieuw, modernisa e proceso, instala un pre-treatment y un effluent buffer tank nobo. E planta na Zeewijk lo ta e prome di e tres planta nan caminda lo instala un tanki special pa truck por bin busca awa trata den un forma accesibel y na un prijs ameno. Tin algun contratiempo pa cuminsa cu e proyecto aki, pero ta premira cu por cuminsa fin di mei.

Contratiempo

Mientras cu AWSS ta den e fase transitorio, trahando riba solucionnan a corto y largo plaso, a haya sorpresa y obstaculo cu ta tranca e proceso. AWSS a tuma nota cu HORECA ta descarga cantidad di azeta den e sistema di rioolering. Ora cu tin vet den sistema, no solamente e ta stroba e planta pero e motornan por haya problema serio y ta resulta den awa sushi riba caminda, pero tambe ta causa molester di holor. Ta haci un apelacion na tur hotel y restaurant pa evita di basha azeta den nan sistema di rioolering. Manera comunica den pasado door di DOW ta importante pa tur cu ta riba rioolering hasi uso di un sistema di fat-trap, cu mantencion adecua, pa asina evita cu vet ta drenta e sistema di rioolering.

Tambe AWSS a duna informacion tocante di e ultimo incidentenan cu a causa obstaculo di e fluho di awa di riool den area di hotel. A informa cu a haci entrega di keho na Polis pa actonan di sabotahe cu a tuma lugar y actualmente e caso ta bou di investigacion. A bai haci limpieza den marduga y a bin encontra baranca, biga 2x4 y cantidad di bleki placha.

DRIVE BY SHOOTING UN BIAHA MAS DEN AREA DI TIO PEPE



Betonicastraat - Diabierna anochi un biaha mas den area di Tio Pepe a sosode un tiramento.

Mesun ora varios unidad a presenta.

For di informacion oficial a wordo bisa cu lo ta trata di drive by shooting.

Mester bisa cu esaki ta e di tantisimo biaha cu den e mesun area aki ta sosode e tipo di cosnan aki.

A bin haya 3 huls y debi na esaki mester a notifica BFTO pa compila evidencia.

Investigacion lo inicia pa mira kiko tin tras di esaki y asina detene esnan cu tin e arma di candela ilegal, prome cu morto cay.

Esaki ta muestra den direccion di un advertencia.

The Aruba Ports Authority N.V. is publicly tendering: Design of New Port Administration Building in Oranjestad

According to the tender document for Capex Project APA-PFAU-6-25

Short Project Description

The project consists of the following activities:

- Prepare a term of reference and relationship diagram with APA.
- Programming and space planning for approval by APA.
- Conceptual and schematic design for approval by APA.
- Architectural design and planning.
- Assistance in securing all building permitting.
- Integration of modern infrastructure.
- Implementation of sustainability features.
- Interior space planning and design.
- Preparing all construction and tender documents including drawings.
- Mechanical, Electrical and Plumbing (MEP) plans and tender documents.
- HVAC plans and tender documents.
- Bidding phase assistance.

The tender documents will be available for purchase from **May 12, 2025, up to May 16, 2025 until 4:30 pm local time**, via email tender@arubaports.com against payment of Afl. 1,000.00.

The request for the tender documents must include proof of transfer in the requesting e-mail. Note that the **cut-off time** for receipt of request and proof of transfer is **May 16, 2025, at 4:30 pm** local time.

Bank Account Information:

Beneficiary: Aruba Ports Authority N.V.

CMB: 15267105 | **Aruba Bank:** 128710 | **RBC:** 7700000030549428

Description/Reference: RFP APA - PFAU - 6 - 25

For additional details of this tender, visit <https://www.arubaports.com/main/design-apa-new-port-administration-building/> or scan this QR code.



Clasificados



SOLODIPUEBLO@GMAIL.COM
CEL. 585 9500



Lo reuni cu Gabinete AVP-Futuro

PROME MINISTER MIKE EMAN A DUNA PROME MINISTER DICK SCHOOF UN CALUROSOS BONBINI



E bishita di Prome Minister Dick Schoof den nos region a cuminsa na Boneiro y awo a sigui pa Aruba. Prome Minister mr. Mike Eman a ricibi Prome Minister Dick Schoof na Aeropuerto Reina Beatrix acompaña pa altocomisario di Polis, drs. Ramon Arnhem y director interino di VNO Vincent Storimans. E bishita

na gobierno ta cuminsa na Bestuurskantoor y Cocolishi na unda cu Prome Minister mr. Mike Eman lo reuni cu e mandatario Hulandes sigui pa un reunion cu henter conseho di minister na Fort Zoutman.

Mañan premier Schoof ta bishita Alto Vista Winery

hunto cu Minister mr. Geoffrey Wever, Horacio Oduber Hospital hunto cu Minister drs. Mervin Wyatt-Ras y Korrektie Instituut Aruba (KIA) hunto cu mr. drs. Arthur Dowers. Prome minister Dick Schoof ta sali mañan mes pa Corsou unda e lo sigui cu su bishita den region.

THE PRIME MINISTERS A CLAUSURA NA BIBLIOTECA NACIONAL DI ARUBA



Cu dos publico grandi consistiendo di invitadonan special, Omar Harms, Addonsito Croes y Stichting Klein Aruba a presenta e popular documentario The Prime Ministers. E documentario aki tawata presenta total 6 biaha incluyendo Cas di Cultura y Artisa

na San Nicolas. Den The Prime Ministers e parti humano di Aruba su prome 4 Prome Ministernan a keda presenta.

E siguiente paso ta e agregamento di e traduccion na ingles como cu ta e intencion pa



The Prime Ministers bay algun Film Festival na mundo y tambe scolnan secundario na Aruba. Un danki grandi ta bay na Prensa di Aruba, cada sponser y invitado cu a sostene e proyecto aki cu a resulta unico den su sorto y un exito den cantidad di bishitante.

DANKI NA CONTINUIDAD DEN GOBERNACION



Renobacion di centro di ciudad ta un compromiso pa cuida nos herencia cultural Gabinete AVP-Futuro, hunto cu famia, trahadonan y e compania di construccion, a celebra e punto importante den renobacion di Cas Veneranda: e punto mas halto conoci como spantenbier. E ceremonia no solamente

ta simbolo di progreso, pero tambe di e compromiso pa preserva nos historia. Den su discurso, Prome Minister Mike Eman a recorda e vision original di restauracion di Henny Eman (dfm), cu den e añanan 90 a duna bida nobo na Stadshuis despues cu esaki a bira un ruina. E mesun vision ta biba den minister actual di Finansa, mr. Geoffrey Wever, cu su determinacion



pa duna continuidad na e restauracion di nos herencia cultural y historico. Centro di ciudad, un simbolo di nos identidad nacional, a haya renovacion den epoca di gabinetenan Mike Eman I y II, bao liderazgo di ex-minister Benny Sevinger, den cual a renoba Corte di Husticia, Watertoren, scolnan historico y Bestuurskantoor cu a duna rumbo nobo na Oranjestad. Desafortunadamente, durante e ultimo gobierno, a opta conscientemente pa para progreso. Pero awe, ta husto pa honra e esfuerzo di Minister Wever, a mira e necesidad pa preserva nos patrimonio y a duna impulso na Wilhelminastraat, inspirando otro inversionnan.

Feliz dia di Enfermeria!

“NURSE POWER...HUMAN CARE!”

Horacio Oduber HOSPITAL | NOS SEMPER T'EY!

PARLAMENTARIO DI AVP, CLIFFORD HEYLIGER: FAYO DEN MANEHO DI DPL NO POR AFECTA SU PERSONAL

– (8 di mei 2025) – Miembro di Parlamento pa AVP, Clifford Heyliger, a bishita diahuebs mainta e edificio di DPL pa tende for di e empleadonan despues cu decision a cay pa move un parti di nan funcion bek pa DIMAS. Como representante di pueblo, Heyliger kier mantene e liña di comunicacion habri cu e ciudadano.

Despues di a scucha atentamente, Heyliger a conclui cu e problema aki

ta e resultado di e mal manejo administrativo cu directiva di DPL a hiba durante ultimo shete aña, cu bendicion di e ex minister encarga. Awo cu un gobierno nobo a drenta, ta haciendo e cambionan necesario pa alivia e gran atraso den aprobacion di permisonan di trabou y su efecto den economia di e pais.

“Ta hopi cla cu ta door di falta di planificacion y manejo efectivo di e

gobierno anterior, awendia mester a tuma medidanan drastico. Sinembargo, esaki no ta bay afecta e trahadonan di DPL,” Heyliger a bisa, kende a contacta Ministerio di Labor y di Integracion y, despues di a keda informa tocante e plannan di mehoracion den e cadena di servicio, a urgi nan pa aclaria e situacion y alivia e preocupacionnan di e empleadonan.

Heyliger a compromete su mes na sigui e situacion di



cerca, defende e interes di e trahado di DPL y unda cu por ta. Tambe kier mira cu consecuencia ta bin pa e berdadero responsabelnan

di e malfuncionamento di DPL su parti den e proceso di tramitacion di peticion di permiso.

KIWANIS CLUB OF PALM BEACH A CELEBRA SU REUNION ANUAL!

Eagle Beach, Aruba – Diahuebs ultimo, mei 8, 2024, Kiwanis Club of Palm Beach a celebra su reunion anual na La Cabana Beach Resort and Casino den cual e hermandad fuerte den e club a refleha un biaha mas.

Tradicionalmente y cumpliendo cu e statuton di Kiwanis International y di e club mes, e agenda a consisti di un punto: 1) Aprobacion di e team cu a wordo nomina pa conforma e directiva pa e aña Kiwanistico 2025-2026 y cu lo wordo instala na Oktober proximo.

E aña aki, manera cu ta pasa tradicionalmente durante e reunion anual, e trabou di e comision di eleccion di e directiva nobo

tabata un biaha mas facil. Despues cu Roy Mezas y “committee chair”, Bert de Vries, a presenta y informa esnan presente e proceso pa yega na e “team” di nominadonan pa e directiva di 2025-2026, como tambe e importancia di un eleccion transparente, e directiva nobo a wordo aproba “by aclamation”, o sea tur esnan presente a vota pro pa e directiva nomina. E directiva pa aña Kiwanistico 2025-2026 lo consisti di e siguiente miembronan: Ross Brezovar (Immediate Past President), Michel Frank (President), Roël Gomez (Incoming President), Christopher Robles (Vice President), Navin Gangaram Panday



(Treasurer), Rodney Kock (Secretary), Glennrick Ridderstap, Patrick Melchior, Joshua Arrindell, Alvin Wever, Giandric Tromp, Randolph Ruiz y Dennis Evers lo ta e Directors pa e aña en

question.

Kiwanis Palm Beach ta pertenece na e organizacion global Kiwanis International cu ta un instancia caritativo dedica na haci nos mundo

mihor door di cambia un comunidad pa medio di un mucha cada bez.

Mas informacion por haya riba: www.facebook.com/kiwanispalmbeacharuba

Cooperacion strategico entre Aruba y Hulanda

AUTOSUFICIENCIA Y RESILIENCIA ARUBANO A SOBRESALI DURANTE BISHITA DI PREMIER DICK SCHOOF



Diasabra atardi, Prome Minister di Aruba, mr. Mike Eman, a ricibi cu honor su homologo Hulandes, Prome Minister Dick Schoof, na su oficina na Cocolishi pa un reunion formal y strategico. Durante e reunion cu henter consejo di minister a dialoga riba e lasonan politico y di cooperacion entre Aruba y Hulanda.

Durante e encuentro, Prome Minister Eman a regala su colega Hulandes un regalo importante: e buki “The Archaeology of Aruba: The Pictographs and Petroglyphs” di Aad H. Versteeg y Harold J. Kelly. E obra aki ta un testimonio di 200 aña di investigacion tocante e pinturanan ancestral riba baranca di Aruba, un herencia cultural visual cu ta refleha e profundo laso spiritual di nos antepasadonan cu naturalesa y universo. E regalo tabata un simbolo di orguyo di nos patrimonio y invitacion pa compronde Aruba mas miho.

Prome Minister Eman y Premier Schoof despues a cana hunto pa Fort Zoutman, caminda nan a

planta un mata di Wayaca, simbolo di autosuficiencia y resiliencia Arubano. E mata Wayaca, cu ta sobrevivi den segura y florece den tempo di bonansa, ta representa e spirito fuerte y speransa di nos pueblo.

E bishita a sigui cu un reunion cu e Gabinete AVP-Futuro, caminda cada minister a presenta su puntonan primordial na Premier Schoof. E dialogo constructivo a culmina cu un declaracion conhunto, den cual Prome Minister Eman a enfatisa cu Aruba kier mantene un relacion cu Hulanda basa riba respet mutuo y bon entendimento. Prome Minister Schoof, na su beurt, a expresa gran interes den e oportunidadnan win-win cu e gabinete nobo a propone, entre otro e recien acuerdo cu Royal Schiphol Group.

Un di e logronan importante di e reunion ta e acuerdo pa forma un cooperacion strategico entre Aruba y Universidad di Wageningen, cu lo lansa un proyecto nacional di



planta mata. E iniciativa aki lo yega den tur area di Aruba, pone un base firme pa sostenibilidad y desaroyo scientifico den

Reino Hulandes.

Cu e bishita oficial aki, ta habri caminda pa un rumbo di cooperacion,

respet y desaroyo mutuo. Aruba ta cla pa e retonan di futuro y hunto cu Hulanda, lo construi un futuro mas prometido y duradero.

We are looking for...



The Aruba Tourism Authority is seeking creative and dedicated professionals to join our organization.

Senior Communications Specialists

We are looking for two Senior Communications Specialists for the Marketing Unit. One Senior Communications Specialist shall focus mainly on international communications and the other shall focus mainly on the on-island communications to our guests.

The Senior Communications Specialists report to the Communications Manager and are responsible for contributing to the development and execution of the global communication strategy of A.T.A., for facilitating global collaboration to ensure alignment across all markets (North America, Latin America and Europe), for reporting and analyzing data from all markets and for contributing to the organizational objectives.

Interested and eligible candidates can submit their application and motivation letter via our Career Portal.

Deadline for the applications are May 25th, 2025



SCAN ME!

And visit our Career Portal for more information about the positions and requirements.

WIKIPEDIA RIBA ARUBA TA BUSCANDO BOLUNTARIO PA HASI TRABOU DI TRADUCCION NA PAPIAMENTO

Oranjestad Aruba - E proyecto Wikipedia riba Aruba a cuminsa na Januari di 2025 bou di encargo di Jeanelij (Ginelly) Quandt y Ricardo Arends cu ta ehecutando trabounan di entre otro coordinacion y promocion pa e proyecto. Banda di esaki tin un parti esencial cu ta consisti di trabou di traduccion. Pa por brinda tur usuario cu kier usa Wikipedia PAP y otro plataforma di Wikimedia, kier bai traduci tur informacion riba e Kennis Platform di Hulandes na nos lenguahe materno.

E pagina digital “Kennis Platform” a wordo inicia pa Wikimedia Nederland y ta un plataforma digital cu ta consisti di diferente relato y instruccion scirbi na Hulandes cu ta splika den palabra simpel con pa registra, hasi cambio of añadi referencia. Wikipedia riba Aruba a cuminsa cu trabou di traduccion pa por haci e informacion aki mas accesibel pa e comunidad cu ta papia Papiamento/u, pero mester mas apoyo den esaki. Pa es motibo nos ta buscando un boluntario pa

yuda den e parti esencial aki.

Trabou ta consisti di traduccion di informacion di Hulandes na Papiamento y ta bin cu compensacion simbolico di 10,- florin pa ora. Orario di trabou ta flexibel, ta pidi disponibilidad di maximal 2 pa 3 ora pa siman cu un duracion di 6 luna. Candidato mester tin un computer of laptop na su disposicion cu acceso na google email y drive. Ta buscando candidatonan cu tin experticio den leguahe di Papiamento y Hulandes, cu sa di domina esaki bon den escritura.

Kiko bo ta haya bek?


Como miembro di e team di Wikipedia riba Aruba, bo lo forma parti di un grupo dinamico y diverso. Bo lo por tuma parti den e actividadnan organisa pa Wikipedia riba Aruba y asina amplia bo “network” di contacto. Ademá, bo lo tin acceso na tayer y cursonan online ofrece pa Wikimedia Foundation.

Si bo persona ta sinti cu e trabou aki ta pabo, motiva bo rason via email. Por tuma contacto cu e team


WIKIPEDIA RIBA ARUBA TA BUSCANDO BOLUNTARIO

PA HASI TRABOU DI TRADUCCION NA PAPIAMENTO

Ban hasi informacion accesibel riba wikipedia



Ban hasi informacion accesibel riba wikipedia



“SIGI SIÑA, SIGI COMPARTI CONOCEMENTO”

2 PA 3 ORA DEN SIMAN | 6 LUNA | CU COMPENSACION

di Wikipedia riba Aruba pa medio di email wikipediaonaruba@wikimedia.nl of tuma contacto

directo cu Jeanelij na +297 699 3032.

TRAFICO SIGUR

UZO DI CELULAR DEN TRAFICO, UN PROBLEMA GRANDI

Nos Celebro no ta diseña pa Multi-task,
bo ta peligra bo bida y di otronan

BO TABATA DEN AIRPLANE MODE? ARUBA DOET TA AKI!



Bo tabata den airplane mode? Aruba Doet ta aki! Oranjestad, Aruba

Si acaso bo no a nota ainda, Aruba Doet 2025 ta den porta, riba 16 y 17 di mei! Probablemente bo a mira bannernan riba caminda, scucha e jingle na radio, of a

topa cu un cantidad di postnan riba social media. E aña aki Aruba Doet ta conta cu 160 proyecto cu lo beneficia di mas o menos 3,000

boluntario, y nos ta buscando 400 boluntario mas pa por realiza esaki. Bishita

www.arubadoet.com y registra pa un proyecto cu tin bo interes y unda bo por duna un man. Bo a registra caba? Super bon! Kisas bo conoce mas hende cu lo kier duna bek na comunidad, anima nan pa registra tambe y forma parti di e evento di boluntario di mas grandi ariba nos isla.

Aruba Doet ta un proyecto cu ta cay bou di CEDE Aruba, den colaboracion cu Oranje Fonds. Esaki ta e di 13 edicion di Aruba Doet,

unda boluntarionan ta bini hunto y contribui na e diferente proyectonan cu a registra ariba e website di Aruba Doet,

entre otro: limpieza di beach y area nan di naturalesa, actividad nan social cu personanan cu necesidad special y gruponan vulnerabel, y embeyecemento di algun scolnan, centronan di bario y clubnan deportivo.

E ceremonia di apertura di Aruba Doet lo tuma lugar dia 16 di mei na Grupo Scout Sonrisa situa na Santa Cruz, Pavia 22A. Durante e apertura, Gobernador di Aruba, Sr. Alfonso Boekhoudt, lo duna inicio oficial na Aruba Doet y lo enfatisa e importancia di e iniciativa pa e comunidad, y alabes inspira e comunidad pa participa y contribui na e bienestar di Aruba. Pa mas informacion y pa tin un bista di tur e proyectonan, bishita www.arubadoet.com.



No duda, bin yuda!
CEDE Aruba
Beatrixstraat 8
T: (+297) 582 7666

M: (+297) 561 1644
F: (+297) 583 9076
Email: arubadoet@cedearuba.org

Facebook: www.facebook.com/ARUBADOET
Persona di contacto: Paulien ter Meulen

Clasificados

SOLODIPUEBLO@GMAIL.COM
CEL. 585 9500

Minister Geoffrey Wever:

Cas Veneranda ta celebra un logro clave den su restauracion

Oranjestad, 9 mei 2025 - Diabierna atardi, Minister President Mike Eman y minister Geoffrey Wever, den cercania di stakeholders, famia y trahadonan, a celebra un punto crucial den e trabounan di restauracion di Cas Veneranda: E estructura a yega su punto di mas halto; e 'Spantenbier'.

"Cas Veneranda lo sirbi como un modelo pa e manera nos por duna honor na nos pasado y tambe adapta pa futuro". E restauracion di Cas Veneranda ta un testimonio di un vision cla cu gobierno lo sigui implementa; crea proposito nobo pa monumentonan y revitalisa nos centro di ciudad den uno vibrante y funcional pa e generacionnan cu ta bin,

segun minister Wever.

Recap di trayecto: Cas Veneranda ta un monumento cu ta carga historia, emocion y simbolismo pa nos comunidad. Desde su prome dia como minister, e restauracion di Cas Veneranda tabata un prioridad personal pa Minister Wever, kende tabata convenci cu ta posibel pa restaura un edificio iconico asina y dun'e un bida nobo. Cas Veneranda lo bira un hub pa gobierno, especialmente Departamento di Asuntonan Economico pa reunion, pa actividad cultural y pa comercio (horeca).

"Awe nos por mira e vision birando realidad. E vision cu ta mas cu solamente construi of restaura un



edificio. E vision ta pa restaura confianza den nos capital." - Minister Geoffrey Wever.

Cu hopi esfuerso a yega na e punto cu ta celebra awe. Un trayecto largo cu a inicia na aña 2021 bou encargo di minister Wever. Diferente punto mester a ser atendi cu nan, cu finalmente na aña 2024

a logra cera un acuerdo cu Stichting Monumenten Fonds Aruba (SMFA), y asina a inicia e proceso di 'aanbesteding'. Apesar di limitacion di presupuesto y desafio tecnico, e proyecto a inicia y a haya forma rapidamente.

Pa Prome Minister Eman, "gubernacion ta continuidad", ela menciona. Un edificio manera di Cas Veneranda ta parti di historia y creatividad di nos hendenan y ta e motibonan aki a motiva e Gobiernonan cu el a lidera den e ultimo añanan pa apoya restauracion di edificionan monumental, cataloga door di Oficina di Monumento como tal. Plaza Padu, cu ta

keda den e Centro di Edificionan Historico, Museo Arkeologico, Algemene Rekenkamer, Censo, Willem III Toren y Bestuurskantoor, ta algun ehempel menciona di e vision aki.

E proyecto di Cas Veneranda ta demonstra e balor di continuidad y di colaboracion publico-privado y ta sirbi como ehempel di kico tur por lograden bon cooperacion. Oranjestad mester bira un centro bibe y vibrante, cu ta atrae hende pa traha, pa pasa tempo, pa socialisa, pa disfruta. Ta un recordatorio cu si nos kere den vision, si nos traha hunto, nos lo trece bida nobo den e centro di nos ciudad.



Obituario

Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto
ser dera

Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto
ser dera

Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina na
585-9500 of na 741-4554

Clasificados



SOLODIPUEBLO@GMAIL.COM
CEL. 585 9500



COPA NOORD 2025 ORGANISA PA SV ROYAL POWER TAT FAT Y HEINEKEN LO RANCA SALI DIABIERNNA AWOR 16 DI MEI RIBA VELD DI KUDAWECHA

SV Royal Power Tat Fat hunto cu Heineken lo ta organisador di Copa Noord 2025 cual lo inicia diabierna 16 di Mei proximo riba veld di Kudawecha. Copa Noord ta un di e torneo nan di mas popular cu a inicia desde anja 1979 y tin pues alrededor di 46 aña di existencia. Desde aña 2020 cu Covid 19 azota henter mundo Copa Noord no a wordo organisa mas y ta resumi bek e anja aki den gran forma.

Copa Noord 2025 dedica 4 Baluarte

Manera custumber ta honra esnan cu pa añanan largo a brinda nan contribucion na deporte y na Copa Noord den cualkier forma un reconocemento como aprecio y gratitud pa tur lokual nan a hasi pa deporte. Den 2025 lo dedica Copa Noord na 4 baluarte entre otro Johannes Poy Flanegin, Alvaro Barrios, Nel Frank y Francis Arcaya. Deportistanan cu trayectoria largo y exitoso den Copa Noord, den softball y deporte engeneral. Cu orguyo y placer nan lo wordo reconoci diabierna awor gradiciendo cada un di nan pa nan valioso aporte. Gran apertura lo ta Diabierna 16 di Mei



Diabierna 16 di mei pa 715pm e gran desfile y apertura di Copa Noord lo tuma lugar riba veld di Kudawecha. Un total di 8 equipo lo bay ta presente pa desfile y despues tira

“lot” pa nos por aprecia e promer wega oficial di Copa Noord 2025. Calabas Blue Jays, Kudawecha Redskins, Kudawecha Indians, Royal Power, Salbabo, Super Plus, Bad

Boys y Stingers lo ta e 8 equiponan cu lo bataya te final. Jerrino Bas & Friends hunto cu un DJ lo bay ta na veld pa pone ambiente.


Copa Noord 2025 lo bay ta

grandi iniciando 16 di mei y lo termina diadomingo 15 di Juni. Amantennan di softball Copa Noord ta bek y e tey pa keda. Prepara pa bin apoya Bo equipo preferi. Copa Noord 2025














Chaco Taekwondo Academy ta cla pa Cas Bon Taekwondo Cup



Chaco Taekwondo Academy bouguiadi Grand Master Melvin Rasmijn, Master Yoshmar Wever, Master Miguel Genser y Master Mirella Dirksz ta e scol di Taekwondo di mas grandi na Aruba. Chaco Taekwondo Academy ta situa na Scol Basico Kudawecha y ta conta cu un team cu ta cla pa enfrenta e otro atletanan di Aruba den Cas Bon Taekwondo Cup 2025. Master Yoshmar Wever coach di Taekwondo Team Aruba a pone hopi mas atencion ariba e team di Chaco Taekwondo Academy pa bringa pa e Best Team Cup. Den aña 2024 Chaco Taekwondo Academy a gana e Cas Bon Cup y ta preparando e atletanan pa dia 17 di Mei den Centro di Bario Brazil pa bringa pa e Copa. Chaco Taekwondo Academy ta train tur Dialuna, Diaranson y Diabierna 5:30-6:15 y ta diciplina y forma atleta for di 4 aña bay ariba. Pa Diasabra dia 17 di Mei Chaco Taekwondo Academy su team ta bay ta claba den Cas Bon Taekwondo Cup 2025. Media Team



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - May 11, 2025

 <p>Sorteo # 4617 2975 1011 0044</p>	 <p>Sorteo # 0 x Jackpot 0 x Match 4+ 0 x Match 4 0 x Afl. 12,00</p>	<p>Joker Letter Proximo Jackpot 460.000,-</p>
 <p>X2</p>	 <p>Sorteo # 6823 0 x Jackpot 4 x Match 4 142 x Afl. 8,00</p>	<p>02-03-11-17-18 Proximo Jackpot 74.000,-</p>
 <p>Sorteo # 4617 4391</p>	 <p>Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00</p>	<p>Mega Ball Proximo Jackpot 310.000,-</p>
 <p>X2</p>	 <p>Afl. 410.000,-</p>	
 <p>Sorteo # 4617 2912 Aries</p>	 <p>Sorteo #</p>	
 <p>Sorteo # 1491 818</p>		
 <p>X2</p>		

E cuater miho shampooan casero pa caba cu caspa



Cuanto hende ta sufri di caspa y no ta logra caba cun'e, apesar di a usa diferente producto! Na prome luga, ta fundamental ta berigua ki tipo di caspa nos tin.

A partir di e momento ey, nos por usa un di e shampooan natural cu nos ta usa. Descubri den e articulo aki e 5 miho shampooan casero pa pone fin na caspa.

Na e mesun momento, nos ta logra haya un cabey bunita, fuerte y sano. Laga nos purba!

Ki tipo di caspa nos tin?

Nos ta referi na e caspa ora cu nos ta observa puntonan chikito blanco den nos cuero di cabes. E por causa grawatashi of miho bisa, un aspecto sushi na nos cabey y ademas, nos ta supone un importante problema estetico.

Ta motibonan suficiente pa busc un solucion. No obstante, nos mester observa con pa berigua ki tipo di caspa e ta:

- Si e tin un aspecto seco y por causa picamento. Ta puntonan blanco cu ta keda riba e kraag di nos paña, ta trata di un caspa door di descamacion. Nos cuero di cabes mester di hidratacion.

- Si e tin un aspecto vet y geel y ora nos mishi e

cuero di cabes nos ta sinti e textura oleoso, ta trata di caspa door di dermatitis seborreica. Nos cuero di cabes mester di ekilibra e vet y combati e fungus caracteristico di e caspa.

Si e caspa ta algo puntual, nos mester descarta cu e tin algo di haber cu un shampoo nobo cu nos ta usa, algun deficit nutricional of un labado escaso of excesivo di e cabey. E contamiacion di otro factornan ambiental tambe por influi.

Shampoo basico casero

Si nos kier un opcion natural pa combati e caspa, nos por opta pa un shampoo specifico liber di sulfato y parabeno. Tambe nos por añadi un azeta esencial na nos shampoo natural.

Nos ta recomenta realisa nos propio shampoo casero cu ingredientenan natural y añadi na nan despues algun di e azetanan esencial anticaspas cu nos propone segun nos tipo di cabey. A continuacion nos ta comparti e receta basico.

Ingrediente

Pa prepara e shampoo casero nos mester di e siguiente ingredientenan:

- 1/2 cup di gel di aloe vera (125ml)
- Un cup di glicerina

likido natural (250ml)

- 1 cup di juice di lamunchi (15ml)
- 1/2 cuchara di azeta di coco (8ml)
- 15 gota di azeta esencial anticaspas eligi.

Elaboracion

- Pa elabora e shampoo casero aki, solamente nos mester mescla tur e ingredientenan den un boter y sacudi'e bon. Semper nos mester bolbe sacudi'e prome cu use.

- Si e azeta di coco ta solido, nos por pone na baño di Maria te ora cu e dirti. E ora e lo ta cla pa mescla cu e resto di e ingredientenan.

Ki azeta esencial mi ta añadi?

Tur azeta esencial cu nos propone a continuacion, ta yuda nos combati caspa. No obstante, cada un di nan ta aporta propiedadnan diferente cu nos mester eligi den funcion di nos tipo di cabey.

E azetanan esencial mester ta semper puro. Riba su label nos mester haya e nomber na Latin. En caso contrario, ta posibel cu e esencianan ta sintetico sin ningun propiedad pa elimina e caspa.

1. Tea tree

Tea tree ta un di e azetanan mas popular pa combati tur tipo di infeccion. Den e caso di caspa, en especial si e ta vet, e sa ta relaciona cu un fungus. Pa e motibo aki, e ta un azeta hopi efectivo pa elimin'e. Su holo ta un poco fuerte, pa cual nos ta recomenda meskl'e cu algun di e siguiente azetanan mas aromatico. Nos mester



evita su contacto directo cu e wowonan.

2. Menta

Menta ta ideal pa tur tipo di caspa, pero en especial pa esun cu ta caracteriza pa un exceso di vet. Ademas, e ta proporciona frescor y ta aliva e picamento.

E azeta aki tambe ta un bon remedi pa stimula e cuero di cabes y preveni caida. Por lo tanto, por ta un shampoo hopi adecuado pa tur.

3. Lavander

E lavander ta e azeta esencial pa tur, danki na tur su multiple propiedadnan. E ta antiseptico y calmante y ademas e ta destaca pa su delicioso y relajante aroma. E ta ideal pa e

caspa seco y vet.

Ademas, e azeta no solamente tin e virtudnan medicinal, sino cu tambe tin e capacidad di potencia e efecto di otro azeta. Pa e motibo aki, nos por combin'e cu cualkier di e otro azetanan cu nos propone.

4. Citrico

Tur e azetanan citrico (lamunchi, apelsina, grapefruit, mandarin, lima) ta yuda nos regula e vet, combati e caspa di tipo vet y aporta hopi briyo na nos cabey.

Ademas, e azetanan esencial aki tin un delicioso holo y segun aromaterapia, ta contribui na mehora nos estado di animo. Di hecho, e ta destaca su propiedadnan andidepresivo.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Cualnan ta e beneficionan di consumi pepino cu frecuencia

Consumi pepino cu frecuencia ta hopi beneficioso pa salud. Ta trata di un berdura cu tin hopi propiedad beneficioso pa nos curpa.

Principalmente pasobra e ta aporta un gran cantidad di awa, loke ta convirti'e den un alimento abao den calorìa, hopi provechoso pa adelgasa.

Aunke casi tur hende ta pensa cu pepino ta un vegetal, en realidad ta trata di un fruta, ya cu e ta pertenece na e mesun famia cu ta inclui e milon, calbas y patia.

No obstante, ta sosode cu pa su sabor un tiki marga nos a custumbra di come den salada y otro preparacionnan similar.

Awe nos lo contabo den detaye e rasonnan pa cual ta hopi conveniente pa bo inclui e pepino den bo dieet. Mester consumi'e preferiblemente cu casca, cual ta rico den fibra.

Esaki lo yuda nos alivia algun inconveniente relaciona cu stima, manera acidez y pesadez.

Pepino den dieet

Pepino ta otorga bo hopi poco calorìa, ya cu gran parti di su contenido ta awa. E aporte calorico pa cada 100 gram ta di apenas 13 calorìa, di cual 97% ta likido.

Alabes, e ta abao den carbohidrato y tin un contenido eleva den vitaminan A, B, C y D, mescos cu mineralnan. Entre nan ta destaca hero, potasium, fosforus, calcium y magnesium.

Finalmente, e ta contene hopi fibra, pa cual consumi pepino cu frecuencia ta excelente pa dietnan cu finnan di perdida di peso. Pa su gran balor nutricional, nos por bisa cu

e ta un alimento extraordinario, ya cu e ta brinda beneficio pa e distinto arcanan di nos organismo.

Beneficionan di consumi pepino cu frecuencia pa e cuero

Un di e usonan mas conoci di pepino ta relaciona cu e tratamentonan estetico. E casca tin cantidadnan grandi di vitamina C y acido cafeico. E micronutrientenan aki ta permiti reduci inflamacion, alivia iritacionnan cutaneo y en general, yuda pa mantene e cuero sano.

P'esey, e ta wordo usa cu frecuencia den tur tipo di tratamiento pa e cuero y pa e contorno di e wowonan. Fuera di esey, pepino tambe ta yuda combati enfermedadnan dermatologico manera psoriasis, eczema y acne.

Awo bon, e casca di pepino no solamente ta bon pa usa di forma externo. Tambe por bebe manera un shake. Cu awa y lamunchi e lo permitibo limpia y depura e organismo.

Beneficionan pa e tehidonan

E ingrediente aki ta contene cantidadnan importante di un componente conoci como silice. E compuesto aki tin e capacidad di fortalece y regenera e tehidonan di nos curpa. Entre e mas faborecidonan pa e ingesta di pepino nos ta haya e musculonan, e tendonnan, cartilago, ligamento y eso. Ta trata di un rason mas cu suficiente pa consumi pepino cu frecuencia como parti di un dieet.

Beneficionan pa e sistema cardiovascular

Pepino ta rico den diverso mineral manera e potasium y magnesium y den



fibra, den cual ta contribui cu un bon salud cardiovascular. Dicho micronutrientenan aki ta faborece e circulacion di sanger, yudando preveni e aumento of den su defecto, reduci e presion arterial.

Beneficionan pa e digestion

A proposito di su alto contenido den mineral y vitamina, ora consumi pepino cu frecuencia, e ta yuda nos evita acidez y pesadez den e stoma.

Esey mester ta debi na su aporte di awa, fibra, magnesium y potasium. No obstante, mester tene presente cu e mineralnan aki por hay'e mayormente den e casca, asina di percura pa no kit'e.

Di igual manera, pepino ta funciona como un excelente diuretico, debi na su composicion acuoso. Tambe, e ta yuda elimina vetubica den e tehidonan y evita e retencion di likido.

Pepino como protector

Ademas di tur e beneficionan cu nos a menciona, ta ideal consumi pepino cu frecuencia dentro di e dieet ya cu ta resulta un extraordinario mecanismo pa proteha nos di factornan extremo cu por causa nos daño.

- Na prome luga, e ta drecha e mucosa intestinal y estomacal, pa cual e ta proteha ambos organo, simultaneamente e ta elimina e toxinan.

- Pepino tambe ta yuda na e bon estado di nos defensanan. E ta conta cu un alto contenido di vitamina B complex, cu ta reforsa e sistema inmunitario. Di e mesun forma, vitamina C cu ta preveni verkoud y ta faborece e procesonan di cicatrizacion.

- E ta defende nos di e elementonan toxico cu por ta presente den alimentonan cu nos ta ingeri y en general, den medio ambiente.

Contraindicacion

Apesar di tur e beneficionan cu nos a splica, ta existi algun contraindicacion.

Principalmente, pepino ta contene un componente conoci como cucurbitacina, cu consumiendo den cantidadnan grandi, por causa gas y indigestion.

Pa e rason aki, ta recomenda consumi pepino di forma modera na esnan cu ta sufri constantemente di indigestion y gas.

Por ultimo, pepino ta altamente diuretico, pa cual por produci deshidratacion. Sin embargo, pa esaki sosode, ta necesario di a consumi un cantidad hopi halto di pepino.



E PIKA CONDENABEL SUDOKU

DI ADULTERIO

Bo no sa, cu unabes cu bo ta casa pa Dios den e Sacramento di Matrimonio, bo ta keda casa pa Dios te na morto y Dios no ta reconoce divorcio. Awor, si bo ta un hende divorcia y bo ta biba cu otro, anto ta con bo por yama bo companjante bo esposo of bo senjora maske cu boso ta casa pa raad? Bo no tabata sa cu bo ta bibando den e pika condenabel di adulterio? Bo sa cu e pika di adulterio ta condenabel pa Dios y na tur esnan cu a muri den nan pikanan di adulterio, nan lo no drenta den e Reino di Dios y nan destino lo ta den fierno of den purgatorio. Bo mester compronde cu e di 6 Mandamento di Dios Tata ta bisa bon cla: “Lo bo no comete e pika di adulterio.” Lesa den Bijbel Mateo 5: 32, na unda Senjor Hesus ta adverti bon cla: “Ami ta bisa boso: Ken cu divorcia di su senjora, si no ta pa motibo di infielidad, e ta pone su senjora comete adulterio. Es cu casa cu e senjora divorcia, e tambe ta comete adulterio.” Akinan nos por compronde bon, si un homber divorcia di su senjora, anto e ta provoca cu e senjora ta bay busca un otro persona pa biba cun’e den e pika di adulterio. Akinan e homber cu a divorcia di su senjora, ta keda responsabel di su senjora cu el a divorcia. Y tambe e homber ta keda responsabel di su senjora cu ta bay perdi den e pika di adulterio.

Na e dia di huicio dilanti di e tribunal di Dios Tata, e homber y e muher tin di duna cuenta di nan actonan di divorcio y di adulterio. Lesa den Bijbel Marko 10: 6-9 : “Na principio di creacion, Dios a traha homber y muher, p’esey e homber lo laga su tata y su mama pa e uni cu su

muher y nan dos lo bira un solo curpa. Di manera cu nan no ta dos mas, sino un solo curpa. Pues loke cu Dios a uni, no ta permiti pa hende separa.” Esaki ta e Sacramento di Matrimonio di Dios den Misa, na unda cu Dios ta uni e pareha den un solo curpa, pa medio di un sacerdote y cu dos testigo. Tambe bo por compronde, cu Dios no ta reconoce divorcio y e pareha mester keda uni te na morto, maske cu nan a divorcia pa raad.

Dia cu bo a casa den e Sacramento di Matrimonio den Misa pa Dios, bo no a huramenta pa Dios dilanti di altar, cu bo lo keda fiel den bon tempo y den tempo di adversidad, den tempo di abundancia y den tempo di pobreza, den tempo di salud y den tempo di enfermedad, den tempo di pas y den tempo di pleito y di stima otro manera bo mes y di keda fiel te na morto?

Awor mi ta puntra bo, ta na unda bo huramentonan a keda dilanti Dios? Laga nos lesa den Bijbel Mateo 5: 33, na unda cu Senjor Hesus ta bisa tocante huramento : “Tambe boso a tende loke a ser bisa na boso antepasadonan: Lo bo no kibra huramento y lo bo cumpli loke cu bo a huramenta na Senjor.” Akinan, bo no a huramenta dilanti di Dios den Misa, di keda hunto y fiel cu bo pareha te na morto? Den Bijbel Huan 4: 5-42, akinan nos por lesa, ora cu e muher Samaritana a pidi Hesus p’e haya e awa di bida eterna, p’e no haya sed di awa nunca mas, anto Hesus a bise, bay busca bo esposo y bin cun’e cerca Mi. E muher Samaritana a bisa Hesus, mi no tin esposo, anto Hesus a bise’le, bo tabata tin 5 homber y e homber cu bo ta bibando

cun’e awor, no ta bo esposo. Akinan nos por compronde cu e muher Samaritana ta bibando den e pika grandi di adulterio, pasobra ela divorcia di su prome casa, pa despues ela bay biba cu diferente homber den e pika di adulterio. Akinan tambe, Senjor Hesus ta bisa na tur esnan cu a divorcia y ta bibando den e pika di adulterio, pa nan bay busca nan senjora of nan esposo cu Dios a uni nan den e Sacramento di Matrimonio, pa e pareha cu a divorcia por ta salba di e condenacion den fierno. Bo no tabata sa, si bo muri den bo pika di adulterio, bo no por drenta den e Reino di Dios. Lesa den Bijbel 1 Corinthionan 6: 9 y 10: “Boso no sabi, cu e inhustonan lo no drenta den e Reino di Dios? No ganja boso mes, pasobra ni e fornicadornan, ni e adoradornan di diosnan falso, niesnandenadulterio, ni e homosexualnan, ni e ladronnan, nieburachenan, ni e blasfemadornan, ni esnan golos pa plaka, ni e abusadornan, nan tur lo no drenta den e Reino di Dios.” Tambe den Bijbel Testament Bieuw Levitico 20: 10, na unda cu Dios Tata ta bisa: “Si un homber ta comete adulterio cu un muher casa di su prohimo, nan dos lo muri, e adultero y e muher adultera.” P’esey cambia boso bida prome cu ta laat, pa boso no ser condena den e candela di fierno despues di morto.

Scirbi pa Seferino Tromp

Please pa publika.
Di antemano masha danki.

.
Seferino Tromp
Koyari 13-D tel. 5931157 / 5870048
ID. 57.11.22.40
Email: etajuni@yahoo.com

	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4

			8		1			
						4	3	
5								
				7		8		
						1		
	2			3				
6							7	5
		3	4					
			2			6		

FORTALEZA PA FAMILIA

SCIRBI PA PASTOR MARCEL BALOOTJE.

TENE NA CUENTA, DROGA Y ALCOHOL TA DOS “PLAGA” CU HENDE MES TA CUMPRE

Ta incontabel e cantidad di Morto y Accidente, Kibramento di familia, Rebeldia, Crimen, Deficiencia fisico y Mental, ladronicia, adiccion, cu droga y alcohol ta causa rond mundo, y locual ta zona mas strango ta cu mayoria hende cu ta usa droga y alcohol ta cumpra nan ta cumpre.

Bo ta imaginabo hende ta cumpra su propio destruccion bao di capa di goso y paranda.?

Bo ta imaginabo hende ta duna droga y alcohol preferencia riba nan familia?

Bo ta imaginabo hende cu ta balora droga y alcohol mas cu nan esposa / esposo?

Bo ta imaginabo hende cu ta balora droga y alcohol mas cu nan trabao?

Bo ta imagina hende ta keda sin cumpra cuminda pa nan cas y ta prefera cumpra droga y alcohol?

Ta un asunto hopi serio cuanto hende nan rikesa ta draai rond di droga, y un berguensa ora nos nota cu tin pais cu parti di nan economia ta draai rond di Droga, algo cu ta destructivo pa e poblacion completo.

Droga y Alcohol no ta respeta educacion, tampoco estudio, mas studia bo ta, y mas bon educa bo ta mas duro bo cay ora bo mete cu droga y alcohol.

Tur dos ta funciona como veneno den bida di hende,

hopi caminda tin hende ta defende un tipo di droga, hasta e a hanja nomber di remedi, pero e ta keda droga, pasobra usando e remedi ey constant tambe bo ta bira adicto na dje.

Hopi matrimonio a wordo destrui, pa motibo di droga y alcohol, y hopi ta bezig destruyendo nan mes, pasobra nan no kier realisa cu droga y alcohol ta diabolico, y mescos cu e enemigo a bini pa horta, pa mata y pa destrui, asina ta e uso di droga y alcohol den bida di hende.

Nos no por separa droga y alcohol, pasobra nan ta manera barica y lombrishi, tur caminda cu nan a pasa, a keda atras destruccion, malesa y hopi biaha morto.

Hopi accidente a wordo causa pa droga y alcohol, pasobra alcohol ta holer pero depende cual tipo di droga hende ta usa, cual tin su efecto devastador, pero no tin olor pa dune su nomber.

Hopi hoben ta kere keto bay cu droga por haci nan rico, pero esey no ta berdad, bo chens di muri ta grandi. Sea bo ta den benta of den uso, tin biaha e asunto ta hiba bo na suicidio. of bo ta wordo mata.

E asunto di droga y alcohol a sali for di man mundialmente, hende ta purba socialisa, pero e ta keda mescos cu ora hende kier mansa un colebra venenoso y kere cu e no ta morde mas, caba e naturalesa di e colebra ta pa morde hende cu e consecuencia cu nan lo muri.

E uso di droga y alcohol bao di nos hubenti alarmante, tanto mucha homber y mucha muher, no conta mes e mayor cu ta sinja su propio yiu usa droga of bebe, un asunto hopi tristo.

Droga na scol, alcohol na scol, ta locual nos ta tende tur dia di nobo, y e muchanan tin placa pa cumpre.

E palabra di Dios, ta e remedi mas efectivo, contra e uso di droga y alcohol, pasobra e ta trece liberacion completo den bida di hende, pasobra esun cu e Yiu haci liber ta



liber di berdad.

Ta hopi yudansa mester pasobra negligencia ta trece decadencia, y decadencia ta trece

berguensa, pesey laga nos uni den oracion, den nomber di Cristo Hesus, pa asina nos tur por para firme contra droga y alcohol. (Mateo 18:19).

Oracion di dia

Un feliz dia fructifero colma cu hopi gracia di Dios.

'Ningun hende no por bini cerca Mi, si mi Tata cu a manda Mi no hal'e

cerca Mi'. (Juan 6, 44)

Cristo ta bisa cu ta via di Dios so un hende por yega cerca dje. Mescos tambe den e lectura ta pa medio di un angel di Dios Felipe a

topa cu e africano. Cristo mes ta splica cu E ta e pan cu ta duna biba. Esaki ta nifica cu nos tin di sigui busca Cristo pa medio di oracion, pa medio di lesa Bijbel, cumpli cu e 10 mandamentonan, haci

bon obra, haci sacrificio y scucha e Palabra di Dios. Busca pa por conoce e Palabra di Dios, laga Pastoornan y Diacononan splica e Palabra di Dios ja asina nos por yega cerca di Dios y Cristo Hesus. Felipe a splica e homber di Etiopia e loke e tabata lesa di profeta Isaia y ora el a compronde el a wordo batisa mesora. Rumannan nos tin

di sigui y busca e pan cu ta duna bida cu ta Cristo. Haciendo esaki nos tin sigur di haya bida eterno.

Oracion: Dios Tata laga Spirito Santo inspira nos pa nos por sigui busca e pan cu ta duna nos bida cu ta Cristo.

Amen.